

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
MINISTARSTVO ZDRAVSTVA

Na osnovu člana 64. Zakona o zdravstvenoj zaštiti ("Službene novine Federacije Bosne i Hercegovine", broj:46/10), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) i člana 8. i 9. Odluke o postupku izbora i konačnog imenovanja članova organa upravljanja u javnim preduzećima, javnim komunalnim preduzećima, javnim ustanovama, javnim ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla („Službeni glasnik Grada Tuzla“, broj: 11/15 i 1/20), Ministarstvo zdravstva Tuzlanskog kantona objavljuje

JAVNI OGLAS
ZA IZBOR I IMENOVANJE ČLANA UPRAVNOG ODBORA

I. Naziv pozicije

Objavljuje se javni oglas za izbor kandidata za poziciju:

1. Jedan član upravnog odbora JZU "Gradske apoteke" Tuzla, predstavnik kantonalnog Ministarstva zdravstva.

II. Opis pozicije člana upravnog odbora:

Zajedno sa ostalim članovima i uz konsultacije sa kantonalnim ministarstvom zdravstva i osnivačem:

- donosi pravila ustanove,
- imenuje i rezrješava direktora,
- usmjerava, kontroliše i ocjenjuje rad direktora,
- odlučuje o svim pitanjima obavljanja djelatnosti zbog kojih je ustanova osnovana, ako zakonom nije određeno da o određenim pitanjima odlučuje drugi organ ustanove,
- rješava sva pitanja odnosa sa osnivačem,
- utvrđuje planove rada i razvoja,
- utvrđuje godišnji program rada,
- donosi finansijski plan i usvaja godišnji obračun,
- donosi pravilnik o unutrašnjoj organizaciji i sistematizaciji radnih mjesta i druge opšte akte u skladu sa zakonom i pravilima ustanove,
- donosi pravilnik o plaćama i drugim naknadama,
- odlučuje o korištenju sredstava preko iznosa utvrđenog pravilima,
- odgovara osnivaču za rezultate rada ustanove,
- odlučuje o prigovoru zaposlenika na rješenje kojim je drugi organ određen pravilima ustanove odlučio o pravu, obavezi i odgovornosti uposlenika iz radnog odnosa,
- podnosi osnivaču najmanje jedanput godišnje izvještaj o poslovanju ustanove,
- vrši i druge poslove u skladu sa zakonom i pravilima ustanove.

III. Opći uslovi

Kandidat koji se prijavi za poziciju člana upravnog odbora mora ispunjavati sljedeće opće uslove:

1. da je državljanin Bosne i Hercegovine,

2. da je stariji od 18 godina, ali ne stariji od 65 godina,
3. da se protiv njega ne vodi krivični postupak,
4. da nije obuhvaćen odredbom člana IX stav 1. Ustava BiH,
5. da nije osuđivan za krivično djelo ili privredni prestup koji predstavlja smetnju za imenovanje na upražnjenu poziciju, u roku od 5 (pet) godina od dana izdržane, izvršene, oprostene ili zastarjele kazne,
6. da mu odlukom suda nije zabranjeno obavljanje poslova na poziciji za koju se kandiduje,
7. da nije otpušten iz državne službe kao rezultat disciplinske mjere, na bilo kojem nivou vlasti u BiH u periodu od tri godine prije dana objavljivanja oglasa za upražnjenu poziciju,
8. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti u Federaciji BiH („Službene novine Federacije BiH“, broj: 70/08).

IV. Posebni uslovi

Pored općih uslova kandidat treba da ispunjava sljedeće posebne uslove:

1. da ima završenu visoku stručnu spremu,
2. da ima najmanje 3 (tri) godine radnog iskustva nakon sticanja visoke stručne spreme,
3. da ne obavlja posao ili ne vrši dužnost koja po posebnom zakonu ili drugom propisu predstavlja smetnju za imenovanje na upražnjenu poziciju,
4. da nije član upravnog, izvršnog ili drugog organa političke stranke,
5. da se ne bave djelatnošću konkurentnom djelatnosti društva,
6. da nema privatni finansijski interes u društvu,
7. da nije izabrani dužnosnik, nosilac izvršne funkcije ili savjetnik u smislu Zakona o sukobu interesa u organima vlasti Federacije Bosne i Hercegovine („Službene novine Federacije BiH“, broj: 70/08),
8. da nije predsjednik ili član nadzornog ili upravnog odbora društva sa većinskim državnim kapitalom ili institucije,
9. da nije dioničar društva sa 50% i više dionica, direktor i član uprave bilo kojeg dioničkog društva kao i vlasnik sa 50% i više vlasništva, direktor i član uprave bilo kojeg društva sa ograničenom odgovornošću u društvima sa većinskim državnim kapitalom ili institucijama.

V. Potrebni dokumenti

Uz prijavu, koja treba da sadrži kraću biografiju, adresu i kontakt telefon, kandidati su dužni priložiti slijedeću dokumentaciju:

1. Uvjerenje o državljanstvu,
2. Izvod iz matične knjige rođenih,
3. Diplomu o završenoj visokoj stručnoj spremi,
4. Uvjerenje o radnom iskustvu iz tačke IV podtačka 2. ovog oglasa,
5. Uvjerenje da se protiv kandidata ne vodi krivični postupak (ne starije od tri mjeseca),
6. Ovjerenu izjavu o ispunjavanju uslova iz tačke III podtačka 4., 5., 6., 7. i 8.,
7. Ovjerenu izjavu o ispunjavanju uslova iz tačke IV podtačka 3., 4., 5., 6., 7., 8. i 9., ovog javnog oglasa.

Dokumenti koji se prilažu uz prijavu moraju biti dostavljeni u originalu ili ovjerenoj kopiji i ne stariji od šest mjeseci.

VI. Ostale napomene

Izbor i imenovanje člana Upravnog odbora vrši se na period od 4 (četiri) godine i može biti ponovo imenovan.

Svi kandidati koji budu stavljeni na listu sa užim izborom bit će pozvani na intervju. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Takođe, neposredno prije razgovora kandidat je dužan popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju njegovog imenovanja.

Prijavu sa dokazima o ispunjavanju navedenih uslova potrebno je dostaviti u roku od 15 dana od dana posljednjeg javnog objavljivanja oglasa. Javni oglas će biti objavljen u „Službenim novinama Federacije BiH“ i dnevnim novinama „Dnevni avaz“.

Prijave sa svim traženim dokumentima dostavljaju se lično ili poštom preporučeno, na adresu: Ministarstvo zdravstva Tuzlanskog kantona, Rudarska br. 57., 75000 Tuzla, uz naznaku „Prijava za javni oglas – Upravni odbor JZU „Gradske apoteke“ Tuzla“.

Na poleđini koverta navesti ime i prezime podnosioca prijave, adresu i kontak telefon.

Neblagovremene i nepotpune prijave neće se uzeti u razmatranje.

Bosna i Hercegovina
Federacija Bosne i Hercegovine
Tuzlanski kanton
Ministarstvo zdravstva

MINISTRICA

dr. stom. Dajana Čolić

Broj:13/1-30-10062-2/20
Tuzla, 30.06.2020. godine